



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

2. In quem vsum aut finem sit instituta.

urn:nbn:de:hbz:466:1-29452

1. *Quid sit & significet Confirmatio Sacramentalis.*
2. *In quem usum aut finem sit instituta.*
3. *Quibus modis debeat hoc Sacramentum administrari.*



1.

Confirmatio est examinatio fidei Christi, atque adeò huius Confirmatio seu corroboratio in Baptizatis fidelibus, sequitur Baptismum: vel, Confirmatio est propria fidei confessio coram Episcopo aut ministro Ecclesiæ: dum enim homo baptizatur, pro illo alius promittit fidem Christianam, nempe pater: at postea nos hoc ipsum Confirmare ac profiteri palàm debemus, iuxta dictum Apostoli Roman. 10. Corde creditur ad iustitiam, ore autem fit Confessio ad salutem. Et maximè probanda est hæc Confirmatio, si ad hoc usurpetur, ut Christiana iuuentus examinetur, ut fidem propriam profiteri possint: vnde & in Catechismo iuuentus institui solet in scholis, idque à teneris annis, ut discant & percipiant articulos fidei, decem præcepta, & alia ad salutarem cognitionem necessaria: Nam & in primitiua Ecclesia post rei literariæ rudimenta pueri catechizabantur, id est, docebantur ac instituebantur: & cum sic profiterentur fidem suam, Episcopus eos confirmabat tanquam veram habentes fidem Christi: item Confirmabantur homines quotidie aut quolibet die Dominica per sermones verbi Dei & doctrinam Christi.

2.

Secundò, sic examinati & edocti confirmabantur non solùm verbo, sed etiam impositione manuum Episcopi.

Episcoporum, & in tali impositione manuum inuocatur & datur Spiritus sanctus in robur & virtutem credenti contra tentationes & insultus diaboli, peccatorum, & ne post baptismum victus eiusmodi tentationibus peccatorum vel desperationis, relabatur in condemnationem vel peccata mortalia, quæ in Baptismo omnia fuerant dimissa. Ideò vt virtute Spiritus sancti diligentius caueret peccata, & tentationibus fortius resisteret, fiebat talis impositio manuum, vt daretur Spiritus sanctus ad corroborandum hominem: Item, quia olim Christiani multis subiciebantur periculis, afflictionibus, martyrijs ad fortiter ferendam crucem & mortis tormenta pro nomine & fide Christi, vt sine timore Christum confiterentur, signabantur oleo & balsamo per formam crucis in frontibus eorum. Quoniam itaque omnes nos indigemus virtute altissimi & auxilio Spiritus sancti, ac scilicet relabamur in pristina lætalia vitia & damnationem, sed vt constanter profiteamur nomen Christi contra Turcas, Iudæos & Barbaros, amplectenda hæc est Confirmatio & veneranda: percussio autem maxillæ significat, vt deindè cogitet se animosè pro nomine Iesu contumelias, opprobria & verbera pati velle, sicut Christus pro nobis verberatus est in maxilla, & Apostoli fecerunt Actorum quinto, & iubemur porrigere sinistram maxillam ei qui nobis dexteram tetigerit, Matth. quinto. Quòd autem Spiritus sanctus dabatur in robur & virtutem per impositionem manuum in Confirmatione, probatur ex Actis Apost. cap. octauo, cum Petrus & Ioannes missi à cæteris Apostolis ex Hierosolyma in Samariã ad eos qui iam erant baptizati, & imponebant illis manus, & accipiebant Spiritum sanctum, Actorum 19. His auditis, baptizati sunt in nomine Iesu, & cum imposuissent illis manus, accipiebant Spiritum sanctum. Tales Authoritates intelligunt omnes veteres Doctores

Doctores

Doctores de Confirmatione Sacramentali, & docent quòd Spiritus sanctus qui datus est in Baptismo ad mundationem animę existentis in originali peccato, in Cõfirmatione inuocatur, & datur ad corroborandum & confirmandum nos, vt maneamus constantes & fortes in duello aduersus peccata pristina & diabolũ: Et quanuis non sit tã necessarium, sicut Baptismatis Sacramentum est, vel Eucharistię vel penitentię, cõ quòd hæc tria habent præcipuam promissionem Euangelij, id est, remissionis peccatorum, sunt quę à Christo instituta & præcepta in Euangelio tamen quia non solùm indigemus remissione peccatorum, sed opus habemus corroboratione & auxilio Spiritus sancti ad currendam viam mandatorum Dei, ad cauenda lætalia vitia, & ferendam crucem, ad vitandam desperationem in fide Christiana, ad superandam Diaboli tentationem & alia huiusmodi, omninò necessarium est Confirmationis Sacramentum ijs qui perseuerare volunt vsque ad finem: & ex his causis Ecclesia veneratur hoc Sacramentum propter constantiam fidei, & maximè in tribulatione & angustijs. Dederunt olim Patres hoc Sacramentum tam paruulis, quàm adultis: Adultis, propter propriam & spontaneam suę fidei confessionem: Paruulis vero, tanquàm nouis Christi tyrunculis, vt ad pugnam hæc quasi armatura Spiritus sancti cõtra Sathanę potestatem munirentur & animarentur. Hoc autem Sacramentum incumbit administrare Episcopo, vt qui habet specialem curam & regimen Ecclesię, & cuius est intendere sibi ipsi & toti gregi Dominico, Acton. cap. 20.

3. Tertio, Episcopus hoc confirmationis Sacramentum administraturus, debet primò populum instruere in verbo Dei, & informare, quid sit hoc Sacramentum, & quare in Ecclesia fiat: deindè adstantes ad orationem sobriã exhortari, vtque ieiuni, nisi necessitas impe-

impedie
Concilio
nates, co
ncipare
tarum n
Sacram
erit: qu
crum nu
informa
tionis, f
didè ad
poru va
cramen
tempu
erunt o

1. Q
2. Q
da

3. Q

ab his a
res inu
desider
cendi,
pulo a
opus d
tur Ap
primo